

LA CARTA DEL APÓSTOL SAN PABLO A LOS COLOSENSES

Pablo escribe a la iglesia de Colosas

1 ¹⁻² Yua Pablo, mani yaꝝ Timoteo mena ati pũuro queti joorica pũuro ucari mũaare já ñuu roti Colosa macanare, já yarã Jesucristore caapijjanucu anicõarãre. Jesucristo ye quetire cabuio teñari majocu yuã to bairo Dio yure cu cacũro maca. To bairi caroaro yeri wariñuuriquere mani Pacu Dio mũaare cu joato.

La oración de Pablo por los creyentes

³⁻⁴ Jesucristo caroaro cũre mũa caapijjarijere já caqueti apiwũ. Mani yarã Jesure caapijjarãre mũa caame mairije quenare já caqueti apiwũ. To bairo caroaro mũa cabairo apirã mani Epau Jesucristo Pacu Diore, “Ñuu majuucõa,” cu já ñnucu, mũaare jenibojarã. ⁵⁻⁶ Jesucristo ye quetire ati yepa cu yarã nipetiroꝝ na cabuio batero camaja capãarã tie quetire apijama. Apijari aperãre na buio netoma tunu. To bairona mũa baicõa aninucu mũa quena tie quetire camajare Dio cu camai tujurijere api majirã. To bairi jõ buipũ Dio tũpũ mũa wariñuu anicõagarã. “Jõ bui Dio tũpũ caroaro mani anicõa aninucugarã,” mũa i wariñuu majicõa, Jesucristo ye quetire cajocaquẽtiere Epafra cawamesũcu mũaare cu cabuoriquere caapiricã aniri. ⁷ Já camaii ãmi Epafra. Caroaro Jesucristo ye quetire jãre cabuionemou ãmi. ⁸ Epafra caame mairã mũa cãniere já caĩ buiowĩ. Dio Espĩritu Santo ame mairiquere joomi mũaare. ⁹ To bairo caroaro mũa cabairije queti apirã Diore já cajenibojã jugõwũ mũaare. To bairi yucu quenare mũaare já jenibojanucu, cu caboori wame mani cátipere mũa camajiparore bairo. Dio cu cãnie quenare caroaro mũa camajiparore bairo mũaare já jenibojanucu Diore. ¹⁰ To bairi Dio cu caboori wame mũa cáti anipere mũa áti ani majigarã. To bairi Diore mũaare jenibojarã, ocõo bairo cu já ñnucu: “Dio, mũ caboori wame na áti anicõato. To cãnacã wame na cátie, mũ catũjoori wame jeto na áparo. Caroa jetore, mũ caboorije jetore na áparo. Mũ yere na majinemoato,” Diore já ñnucu, mũaare jenibojarã. ¹¹ To bairi ocõo bairi wame quenare Diore já jenibojã mũaare: “Dio, catutuaũ majuu aniri mũ catutuarije cãno cõona na mũ joowa. To bairo na mũ cajooro caroaro cayeri tũgoõña tutuarã majuu anigarãma. Tũgoõña ocabutiriquere na mũ joowa. To bairo

na m̄ cajooro catũgoõña tutuarã, cayeri wariñuurã anigarãma, popiye tam̄obana quena. ¹² Yeri wariñuurique mena, ‘Ñuubũja, Dio,’ mure na icõa aninucuatõ,” Diore mani Pacure cũ jã inucu, m̄jaare jenibojarã. Mani Pacu Dio cũ punaa cãnare manire cacũñupi. To bairo manire cũ cacũro mani quena caroaro cãniparã, cũ tũpũ cacaticõa aninucuparã mani ã yua. ¹³ Satanã yarã cũ carotirã cãnana mani cãnibato quena mani Pacu Dio manire cawajoayupi, cũ punaa mani cãniparore bairo. Yũ Macu, yũ camaii na Upau cũ ãmaro ïi manire cacũñupi cũ yarãre. ¹⁴ To bairi caroorije mani cãtiere mani majiriobjami mani Pacu Dio, cũ Macu mani caroorije bui cũ cabai yaji wapyebojaro maca.

La paz con Dios por medio de la muerte de Cristo

¹⁵ Dio mani camaja mani catũju majiquẽcũ cũ cãnibato quena Dio cũ cãnicutiere camajare caiõu ãmi cũ Macu maca, ati yepau cabuia ejaricũ. Nipetiro Dio cũ carupeoricarãre carotii ãmi cũ Macu Jesu. ¹⁶ Na carupeoyupi Dio ãmurecoo macanare, ati yepa macanare, cabaurã, cabauquẽna quenare, nipetirije carotirã quenare. Cũ Macu jugori na carupeoyupi Dio cũ Macu cũ carotiparãre. ¹⁷ To bairi nipetirã Dio cũ carupeoricarã jugoye cãcũ ãmi Dio Macu, to cãnacã rumũ cãnicõa aninucũ aniri. To bairi cũ carotiro nipetirije Dio cũ cãtaje bainucu ati ãmurecoo, ati yepa macaje yua. ¹⁸ Dio Macu ãmi cũre caapijarãre carotii. Jicau camajocũ cũ rupoa cũ rupaure to cãtipecarotirore bairona cũre caapijarãre carotii ãmi Dio Macu Jesucristo. Cabai yajiricũ anibacu quena catunu catĩ jugõricũ ãmi. To bairi nipetirijere carotii ãmi Dio Macu yua. ¹⁹ Mani Pacu Dio, “Yũ cãnie nipetirije yũ Macupurena to ãmaro,” caiñupi Dio. ²⁰ To bairi yucũ tẽorica pãipũ manire cabai yajiboja rotiyupi Dio cũ Macure. Ati ãmurecoo macana, ati yepa macana, nipetirã yũ cãtana yũ mena na wada quenoo ïi, cabai yaji rotiyupi Dio cũ Macure.

²¹ M̄ja quena cajugoyepure Dio yarã mee m̄ja cãnibajupa. Cũ teerã, rooro tũgoõñari, caroorije pairã m̄ja cãnibajupa. ²² To bairo rooro Diore m̄ja cabai netoo nũcarique to cãnibato quena m̄ja quenare cabai yajibojayupi Jesucristo. Manire bairona rupau cutiri ti rupau mena cabai yajiyupi. Yũ Pacu Dio mena na wada quenoo ïi manire cãtibojayupi. To bairi, “ ‘Cañuurã, caroorije mana ãma,’ na ï tũjya, Dio,’ ïimi Cristo cũ Pacu m̄ja quenare. ²³ To bairona m̄ja inucu anicõagumi Cristo m̄ja caapijã anicõa aninucuatõ, caroa queti mani cãnipere m̄ja catũgoõña janaquẽpata yua.

Atie quetire caroa queti m̄ja caapirica wame ati yepa nipetiropũ buiorique ã. Atie quetire cabuiopãre yũre cacũwĩ Dio yũ quenare.

Pablo encargado de servir a la iglesia.

²⁴ Yucnacã Jesucristo ye quetire buioũ yũ wariñuu, tie wapa yũ na capopiyeyerije to cãnibato quena. Capopiyẽ tam̄ou anibacu quena yũ tũgoõñarique paiquẽ. Jesucristore caapijarãre tũgoõña ocabutiriquere nare cabuiõũ aniri yũ wariñuu. To bairona mani popiyeyegarãma aperã. Jesucristore caapijarã mani cãno booquetiri, Cristo ye queti mani cabuiorijere booquetiri mani popiyeyegarãma. ²⁵ Cũre caapijarãre cũ yere cabuiopãre yũ cacũwĩ Dio. M̄ja quena, caroaro cũ ye quetire caapijarã na ãmaro ïi yũ cacũwĩ Dio. To cãnacã poa macana jãcaarã Dio ye quetire na apijãato ïi, yũ cacũwĩ Dio cũ ye quetire nare cabuiopãre. ²⁶ Atie

quetire dope bairo Dio camajare cū cātibojapere camajiquējuparā mani jugoye macana. Yucupū cūre caapiujarāre mani camajionupi Dio ati wame caroa wamere. ²⁷To bairi muja judío maja cāniquēna quenare muja mena āmi Cristo, cū yarā muja cāno maca. To bairo muja mena cū cāno cañuu netori paupū cū mena muja cānipere muja tūgoōña wariñuu.

²⁸To bairi cū ye quetire jā buionucu to cānacā majare, caroorā na capopiye tamuori paupū aārema ĩrā. Nare jā buionucu, cariape na api majiato ĩrā, Dio cū caboore bairo caroarā na cāniparore bairo ĩrā. ²⁹To bairo cabairā na āmaro ĩi, ocabutirique mena, popiye mena, Dio ye quetire yū buionucu cū catuuarijere yūre cū cajooro.

2 ¹To bairona mujaare, Laodisea macana quenare, yūre catujūñaquetana nipetirā muja cabaipere seeto yū tūgoōña, Diore muja jenibojau.

²Ocōo bairo Diore jā jenibojanucu, mujaare tūgoōñari: “Dio, yeri tūgoōña ocabutiriquere na jooya. Caroaro na ame maiato. Caroaro mū yere, mū Macū Cristo cū cānie quenare na catūgoōña maji peticōapere na mū joowa. To bairo na mū cajooro caroaro mū Macure cū majigarāma,” Diore jā ĩ jeninucu. Yucura Cristo yere mani majiomi Dio mani jugoye macanare nare cū camajioqueta wamere. ³Cristore majirā, mani maji nipetirije Dio manire cū camajiogari wamere. ⁴Atie mujaare yū ĩ buio, aperā caroare caĩrāre bairona caĩtorā macare na apiujaqueticōato ĩi. ⁵Muja tūpū aniquetibacū quena seeto majuu mujaare yū tūgoōñanucu. Yū wariñuu caroaro muja cāti aniere, Cristore muja caapiujarije queti apiri yua.

⁶To bairi, “Jesucristo, yū Upau mū anigu,” cū caĩricarā aniri cū caboorige áti anicōa aninucuña. ⁷Cūre camajirā aniri caroaro cū majinemoña. Cristo ye queti cajocaquētiere aperā nemoona mujaare na camajio jugoricarore bairona apiujacōa aninucuña, wariñuurique mena Diore, “Caroaro jāre mū átibojanucu,” cū ĩri.

La nueva vida en Cristo

⁸Aperā, “Camajirā jā ā, to bairi jā ya wame macare apiya,” mujaare na caĩtorijere apiujaqueticōaña. Caroorije jetore buioma naa. Camaja na majuuna na catūgoōñari wame ā na cāti rotiri wame. Cristo ye me ā tiea. ⁹Cristo jeto āmi Dio cū cāniere cacūgoñ, cū catuuarijere cacūgoñ, cū camajirije nipetirijere cacūgo majuucōau āmi Cristo. Dio cū cāniere cacūgoñ āmi Cristo mani camajare bairona carupaucūcū. ¹⁰Nipetirā carotirā netoro carotii āmi Cristo. To bairo cācū cū cāno maca muja quena ñe unie mujaare rujaquēe. Caroaro cāni yeri ocabutiparā muja ā, cū yarā aniri. ¹¹Judío maja, “Circuncisión cána aniri Dio yarā jā ā,” ima. Mujaa ti wame na cātinucurore bairo cātiquēna muja cānibato quena Dio yarā, caroarā cāniparūre cacūñupi Dio mujaare. Jesucristo maca caroorije muja cāti aniere careyupi, mujaare bai yajibojari. ¹²“Caroorije yū cātibateje to cōona yū áti janagu,” ĩri muja cabautisa rotiyupa. To bairi Diore apiujari cañuurā, cayeri wajoarā muja ani maji, tūgoōña ocabutirique mujaare cū cajoorige jugori. Cristo cabai yajiricū cū cānibato quena cū catunu catiopyupi Dio. “To bairo cāti tutuau aniri yū quenare yū wajoa majiimi Dio, cañuu yū cāniparore bairo,” muja ĩ maji. ¹³Cajugoye caroaro muja cāni majiquetibajupa. Judío maja na cāti rotirije quenare cātiquēna muja cānibajupa. To bairo cāna muja cānibato quena Cristo muja canetooñupi muja quenare. Cū mena, cū yarā muja cāni wariñuuparore bairo ĩi mujaare cātibojayupi Cristo. Caroaro catiriquere muja cajooyupi Cristo muja

caroorijere majiritiou. ¹⁴Dio cū carotirijere mani cātiquētie wapa mani capopiye tamōore cāniboyupa. To bairo to cānibato quena mani caroorije camajirioyupi Dio, cū Macu yucu tēorica pāipū manire cū cabai yaji wapayebojarique jūgori. ¹⁵To bairo mani átibojari Sataná cū yarā menare wātiare na canetocōañupi Dio, camaja na catūju majiro. To bairi mani jūgo aá majiquēema wátia. Mani áti neto majiquēema.

Busquen las cosas que son del cielo

¹⁶Aperā ocōo bairo mūja írāma: “Jā judío maja jā cauga rotiquētie, jā caeti rotiquētiere jā api nūcubugoya. Jā boje rumūri macaje áti nūcubugoya. Mūja cātiquēpata mūja űuuquēe.” To bairo mūja na caírjere apiūjaqueticōaña. ¹⁷Nemoopūre tiere carotiyupi Dio judío majare, yū Macu Cristo cū cabaipere na majiatio íi. Mere Cristo manire cū cabai yajibojaro bero judío maja na cātibatajere catūgoōñaquetipará mani ā yua. ¹⁸Jocarā íma, “Cabopacarāre bairo jā bainucu, caroaro Dio jāre cū tūgoōña wariñuato írā. Dio tu macanare ángel maja quenare na jeni nūcubugoya, Dio tūpū aágarā,” ítoma. “Apeye uniere jā ínoonucumi Dio quēgueriquere bairije. To bairi Dio yere caroaro camajirá jā ā, Dio cū caiñooricarā aniri,” íma. To bairo mūjaare caírā Dio mena mūja cāni wariñuubopere caí matará āma. To bairi na apiūjaqueticōaña. ¹⁹Na maca mani űpau Jesucristore apiūjaquēnana to bairona jocarā íma. Mani macare carotii āmi Cristo, cūre caapiūjarāre jīcau punaa na jūgocure bairo manire cajūgo ācū. To bairo manire cajūgo ācū aniri mani átinemonucumi. To bairi Dio cū caboorijere mani cāti majipere mani joomi. To bairo cū cajooro to cānacā rumū netobūjaro mani ame mai maji, mani átinemo nutua maji.

²⁰Cristo manire cū cabai yajibojaro maca camaja na majuuna na caí tūgoōñari wamere, mūjaare na cāti rotirijere catūgoōñaqueti majuucōape ā. To bairi ati yepa macana Cristore caapiūjaquēna na catūgoōñore bairo tūgoōñaquēja. ²¹“Ati wame pañaqueticōaña, ape wame űgaqueticōaña,” íma Cristore caapiūjaquēna maca. “To bairo mūja cabairo caroaro mūja tūju wariñuugūmi Dio,” í tūgoōñama. To bairo caí tūgoōñarāre bairo í tūgoōñaqueticōaña mūja maca. ²²Camaja na majuuna tūgoōñari to bairona rotima. To bairo na caírjere Dio tūpū mani yeri cānicōa aninucupe me ā. Ati yepa macaje capetirije unie maca ā na caíri wame. ²³“Jā caíri wame áti nūcubugoya,” íma. “Cabopacarāre bairo baiya. Mūja rupaurire popiyeyeya, Dio caroaro jāre cū tūgoōña tūjuato írā,” íma. Na caíri wame, “Nūubūjaro, camajirá ānama,” í tūgoōñarique āno bairo pua. To bairo na caíri wame to cānibato quena caroorijere átiga jana majiña mano paro.

3 ¹Jesucristo yarā mani ā, manire cū cabai yajibojarique jūgori. Cabai yajiricu cū cānibato quena Dio cū catunu catioyupi. Cū tunu catiori jō buipū cū mena carotire cū cacūñupi Dio. To bairi Cristo yarā mūjaare cacūñupi Dio mūja quena caroarā cānīparāre. To bairo quena jō buipū Cristo mena to cānacā rumū mūja anicōa aninucugarā. To bairi Cristo mena to cānacā rumū cānicōa aninucupará aniri cū ye macare tūgoōñaña mūjaa. ²Cū ye jetore tūgoōñari ati yepa macaje caroorije tūgoōñaquēja. ³Cristore cū mūja caapiūjaro maca caroorije mūja cāti anibatajere camajirioyupi Dio. Jīcau bai yajiri nipetirije cū cātibatajere bai yaji weomi rericarore bairona. To bairona mūja quena cajūgoye caroorije mūja cātibatajere bai weo rerique ā. To bairi mūja tūju űjanucumi Cristo, cū yarā mūja cānicōa anīparore bairo íi. ⁴To bairi ape rumūpū cū caaji

baterije mena Cristo cū catunu ejari paup̄ m̄ja quena cū mena m̄ja wariñuu anigarā.

La vida antigua y la vida nueva

⁵ To bairi Cristo mena Dio t̄p̄ cānparā aniri ati yepa macana cūre caapij̄aquēna caroorije na cātiere, cajugoye m̄ja quena m̄ja cātibataje uniere t̄gooña netoo ocabutiya. Ati epericarā cutiqaeticōaña. Caroorije t̄gooñaqaeticōaña. Aperā seeto át̄i eperique jetore t̄gooñama. Nare bairo t̄gooñaqaeticōaña. Caroorije na majuuna na caboosije nipetiri wame át̄inucuma Diore cāti n̄cub̄goquēna. Nare bairo aniqueticōaña. Apeye unie boo neto t̄ju t̄gooqaeticōaña. To bairo apeye uniere cat̄gooña n̄cub̄gou ūcū Diore cāti n̄cub̄goquēcū ācūmi. Apeye unie jetore cāti n̄cub̄gou ācūmi. ⁶ To bairi nipetirije atie to cānacā wame cāna macare na popiyeyegumi Dio cūre caapij̄aquēnare. ⁷ M̄ja quena nare bairona cabairā m̄ja cānibajupa, to cānacā wame caroorije cāt̄nucurā ānap̄. ⁸ Yuc̄ra yua, to bairije bainemoqaeticōaña tunu. Catuti pairā, caī punij̄inirā bainemoqaeticōaña tunu. T̄ju tuti, át̄i punij̄iniquēja. Aperāre buio batequēja caroorijere. Caī wada pairā baiqaeticōaña tunu. ⁹ Itoqaeticōaña. Cristore m̄ja caapij̄aparo jugoye to bairona caroorije cāti pairā m̄ja cānibajupa. Ti wamerire m̄ja cāt̄ibatajere camajirioyupi Dio yuc̄ra, “Tiere caroorije jā át̄i janagarā,” cū m̄ja caīro maca. ¹⁰ To bairi ape wame caroa wame macare cāti aniparā m̄ja ā. Ti wame m̄ja cāti anipere cajooyupi Cristo. To bairi m̄ja joomi cūre m̄ja camaj̄inemopere, cūre bairo caroaro cāna m̄ja cāniparore bairo. ¹¹ To bairo cānare j̄icarore bairona na t̄jumi Dio Cristore can̄cub̄gorāre. To bairi, “Griego maja, aperā judío maja yere cāt̄iquēna na netoro cañuurā āma judío maja maca,” ī t̄juquēmi Dio. Apero macana, j̄o boeri macana, paabojari maja, na majuuna capaariquesna quena j̄icarore bairona na t̄jumi Dio, Cristo mena macana na cāmata. ¹²⁻¹³ To bairi cū yarā, cū camairā, cañuurā cānparāre m̄ja cacūñupi Dio m̄ja quenare. To bairo cū cacūricarā aniri aperāre na mai t̄juya. Caroaro na át̄inemoña. “Aperā netoro cañu yū ā,” ī t̄gooña ocabuti netoquēja. Aperā rooro m̄jaare na cātiere to cānibato quena na ame ī tutiquēja. Caroorije m̄jaare na cātiere na majirioya. Cristo caroorije m̄ja cāt̄ajere m̄jaare cū camajiriojaricarore bairona na majirioya. ¹⁴ Ape wame netoro cañuu netori wame ā ame mairique. M̄jaa ame mairā ape wame yū carotirijere caroa wame nipetiri wame m̄ja át̄igarā. ¹⁵ M̄jaare cacūñupi Dio cū yarā, cū ya poa macanare cayeri wariñuuparāre. To bairo cū cacūricarā aniri Diore wariñuuna m̄ja yeri mena, “Seeto ñuub̄ja jāre m̄ cāt̄ibojarije,” cū ī t̄gooñari. ¹⁶ Cristo ye qetire m̄ja yerip̄ t̄gooña api majiri apij̄aya. Ame ī buio majioña Dio yere m̄ja camajiri wamere. To bairo át̄iri Diore ī wariñuu bajaya, m̄jaare cū cāt̄ibojarije t̄gooñari. ¹⁷ To cānacā wame m̄ja caame ī buiorije, m̄ja cāt̄ie nipetiro, “Cristo yarā, cūre cāt̄ibojarā aniri caroaro jā át̄igarā,” ī t̄gooñaña, mani Pacu Diore, “Cañuu majuu m̄ ā,” cū īri yua.

Deberes sociales del cristiano

¹⁸ Cāromia m̄ja manapuare na át̄i n̄cub̄goya. To bairona m̄ja cāt̄o boomi mani Up̄au Cristo cūre caapij̄arā m̄ja cāt̄ipere. ¹⁹ M̄jaa, na manap̄na, m̄ja n̄moare na maiña. Na ī punij̄iniquēja. ²⁰ M̄jaa, caniña, cawamarā, m̄ja pacuare nipetiro na caīri wamere na apij̄aya, to bairo

yú cáto yú tujú wariñuugumi yú Upau Cristo írã. ²¹ Mújaa, na pacua maca múja punaare cariape na írã na cugoya. Seeto tuti netoquénana na buioya, mújaare na capuniñini tugoñarique paiquetiparore bairo írã.

²²⁻²⁴ Paabojari maja, múja uparãre nipetiro múja na cáti rotirijere na ariujaya. Mújaare na catujuro caroaro múja capaare bairona na catujquêto quena caroaro na paabojari na nucubugoya, “Yú Upau majuu Cristo tujuumi,” í tugoñari. Cristo maca mani Upau majuu ãmi. Cú maca caroa majuu ãnãjere múja joogumi to bairo caroaro múja cáti wapa. Ti wamere tugoña wariñuurique mena yeri ocabuti nucubugori na paabojaya. “Yú Upau Cristopure cú áti nucubugou yú áa,” í tugoñari na paabojaya. “Camajocu yú upau ati yepa macacu tutuaro yú capaarijere yure cú tujú wariñuato,” í tugoñaquêja. ²⁵ Caroorije cána macare na popiyeyegumi Dio caroorije na cátaje cõona, camaja na cátajere cariape tujú cõonari.

4 ¹ Mújaa, paabojari majare cacugorã caroaro na rotiya. Cariape na jooya. Caroaro na ája, ocõo bairo í tugoñari: “Umurecoopu caupaucsu yú ã yú quena. To bairi caroaro Dio yure cú cáto maca caroaro yú átigu yú paabojari majare,” í tugoñaña.

² Caroaro tugoña majiri Diore jenicõa aninucuña. “Caroaro yú átibojami Dio,” í tugoñari cú jeniya. ³⁻⁴ Diore múja cajeniro to cãnacã ni já quenare ocõo bairo Diore já í jenibojanucuña: “Dio, mú catutuarije mena na átinemoña, Cristo ye quetire aperãre na cabuio majiparore bairo. Pablore cú átinemoña aperãre api majirica wamere na cú cabuio majiparore bairo,” Diore já í jenibojaya. Api majirica wame jeto na yú cabuiope ã. Yucucã presopu yú ã atie quetire cajugoyepu camaja na camajiquêtiere yú cabuioque wapa.

⁵ Cristore caapijuquênare caroaro tugoña majirique mena na ája. Cristo ye quetire na múja caí buiori paú to cãnacã ni caroaro na í buioya. ⁶ Caroaro tugoñari nare í buioya. Caroaro wariñuurique mena na wadapeniña api tujoorica wame jeto. Mújaare na cajeniñari paú caroaro na múja caboca ípa wamere majiña.

Saludos finales

⁷ Yú cabairije nipetiro Tíquico múja í buiogumi. Mani yau ãmi, mani camaii ãmi Tíquico. Já mena Cristo yere caroaro cabuionemou ãmi. ⁸ To bairi múja tupa cú yú joo, já cabairije na í buiori na yeri ocabutioya íi. ⁹ Cú mena apeí cú yú joo Onésimore. Cú quena Cristore caapijuau ãmi. Mani yau, mani camaii ãmi. Múja mena macacu ãmi. Ato cabairijere nipetiro múja í queti buiojarãna na pugarã.

¹⁰ Ñuu rotimi Aristarco, yú mena presopu cãcu. Marco quena, Bernabé bai ñuu rotimi. Marco múja tupa cú caejaata caroaro cú boca tujaya. Mere to bairo cüre múja caboca tujupere mújaare yú caqueti joowu.

¹¹ Jesu Justo, cú quena ñuu rotimi. Na jeto ãna na itiarãna judío maja yú mena Dio ye macajere cána. To bairona caroaro na cáto yú yeri tugoña ocabutinucu. ¹² Epafra, múja yau, cú quena ñuu rotimi. Cú quena Cristo ye macajere cãcu ãmi. To cãnacã rumu tutuaro Diore múja jenibojanucumi, Dio cú caboori wame múja cáti peti maji ocabuti wariñuuparore bairo.

¹³ Yú maji to cõo Diore mújaare cú cajenibojaju nucurijere. Aperã quenare Laodísea na caíri maca, Hierápolis na caíri maca, ti macari macanare Cristore caapijarã na quenare jenibojanucumi Epafra Diore. ¹⁴ Lucas, mani camaii, ucoyeri majocu múja ñuu rotimi. Demas quena ñuu rotimi.

¹⁵Laodisea macana Cristore caapiujarã na ñuato. Ninfa quena co ñuato. Jesucristore caapiujarã co ya wiipũ caneñaponucurã na quena na ñuato.

¹⁶Ati pũuro m̃jaare yũ caqueti joori pũuro tũju bue yaparorã Laodisea macana quenare na bue rotiya. Cristore caapiujarã na caneñaporopũ na bue rotiya. M̃ja quena Laodisea macanare na yũ caqueti joorica pũurore neri tiere bueya m̃jaa. ¹⁷Ocõo bairo cũ ñña Arquipore: “Mani Ƴpaũ Cristo m̃re cũ cáti rotirica wamere caroaro áti peocõaña.”

¹⁸Yũ Pablo atie ñuu rotirique yũ majuuna yũ uca. Diore yũ jenibojaya atorũ presopũ yũ cãniere. Caroa yeri wariñuuriquere cũ joato Dio m̃jaare. To cõona ã.